

Ilitsersuut

Ilitsersuut - Kalaallit Nunaanni ilinniagaqarnissamut ilinniagaqarnersiutisinissamullu qinnuteqarfisamut immersuineq

Ilitsersuut una "Kalaallit Nunaanni ilinniagaqarnissamut ilinniagaqarnersiuteqarnissamullu" qinnuteqarfissap immersornissaannut iluaqutaassaaq. Ilitsersuutip qinnuteqarfissami immersuiffissat tulleriaarneri malippai. Amerlanerusunik apeqqutissaqaruit kommunimi ilinniarnissamut siunner-sortimit/Majoriaq-mit ikiorneqarsinnaavutit.

Soraarummeernernut, misilitsinnernut allanullu suliarisimasannut immersuiffissami allassimasatit uppernarsaataat ilanngullugit nassiutissavatit. Piffissaq qinnuteqarfissaq sioqqullugu pappiarat uppernarsaatissat pisariaqartinneqartut pissarsiarinissaat angumerisinnaangikkukku taakku kingusinnerusukkut nassiunneqarnissaat pillugu nalunaartumik allakkanik ilanngussisinnaavutit. Malugiuk uppernarsaatit piumasarineqartut ilanngullugit takussutissartaqalerpata qinnuteqaatit aatsaat naammassillugu suliarineqarsinnaammat.

Uppernarsaatit assilineri tamatigut ilanngunneqassapput. Naqeqqaarnera nassiutinngisaannakkit. Assilinerini tamani teqequata talerpiatungaani inuttut normut allattassavat.

Qinnuteqaatit uppernarsaatitalik kommunimi siunnersuisarfiup allaffianut nassiunneqassapput tunniunneqarlutilluunniit, qinnuteqaatillu tassanngaanniit ingerlateqqinneqassallutik.

1. Inuttut paasissutissat

Atitit tamakkerlugit allakkit, aamma atit taaguutaanngitsut tamaasa. illoqarfik najugaqarfik, inuttut normu. aamma ukuninnga takutitsinikkut najugaq:

- Kuisinnermut allagartaq, ateqarnermut allagartaq imaluunniit inuttut normu. Katinnermi ateq allanngortinneqarsimappat aamma

katinnermut uppernarsaatip assilineri ilanngullugu nassiunneqassaaq

- Najugaqarnermut uppernarsaat

2. Angajoqqaat/akisussaasup aqqa najugaalu.

Pisortanit pissarsiarineqarsinnaangikkuit taava angajoqqaat/akisussaasoq attaveqarfigineqarsinnaapput. Uppernarsaat pisariaqanngilaq.

3. Qitornaq/qitornat

Bilitsisoqarnissaa ilinniartullu ineqarfianni inissarsinissaq eqqarsaatigalugu allanneqassaaq.

4. Katisimallugu aappaq/aapparisaq.

Bilitsisoqarnissaa ilinniartullu ineqarfianni inissarsinissaq eqqarsaatigalugu allanneqassaaq.

5. Inuk attavigineqartussaq/qaniginerpaasaq.

Iluk attavigineqartussaq/qaniginerpaasaq allanneqassaaq tassanngaannartumik pisoqarsinnaanera pissutigalugu soorlu peruluttumik napparsimalertoqartillugu imaluunniit toqusoqartillugu.

6. Ilinniagarerusutaq.

Ilinniarnissamut kissaatigisap (kissaatigisat) taaguutaa eqqortoq allaguk. Taaguutaa eqqortoq uani nassaarisinnaavat <http://www.sunngu.gl>.

Suliffimmi misiliinissamut neriorsorneqarsimaguit uppernarsaat ilanngutissavat.

7. Ilinniarnertuunngorniarfiit

Ilinniarnertuunngorniarfinnut qinnuteqaruit una immersussavat.

7 a: Ilinniakkatigut sammiviit

Ilinniakkami sammiviit katillugit pingasut pingaarnernit tulleriarlugit ilinniakkap sammivia ilinniakkallu normua ilanngullugit siumut nalunaarutigineqassapput:

7. Ilinniarnertuunngorniarluni ilinniarnert - Gymnasiale uddannelser			
Immikkoortup 6-ip ataani ilinniarnertuunngorniarnermut qinnuteqaruit immersorneqassooq Udfyldes af ansøgere der i punkt 6 har valgt den gymnasiale uddannelse			
7 a. Gymnasiami ilinniagassap sammiviata suuneranik toqqaanermi siumut nalunaarut Forhåndstilkendegivelse om valg af gymnasial studieretning			
Pilerigin erusat Prioritet nr.	Sumik ilinniagaqarnissamik taaguut Studieretningens navn	GU-mik ilinniarnertup taaguutaa Gymnasieskolens navn	ILLIN. KISITSISAA /UDD.NR.
1	Naturvidenskab	GUX Aasiaat	110050
2	Sprog	GUX Aasiaat	110070
3	Kreativ	GUX Aasiaat	110040

Siumut nalunaarutigisap pituttuisuungilaq ilinniagassallu sammivia tunngaviumik ilinniarnertup naajartornerani qinerneqassalluni. Ilinniagassap sammivia kommunigisami neqeroorutigineqartut akornannit qinerneqassaaq. Ilinniagaq aalajangersimasooq kommunimi najugarisami neqeroorutigineqanngippat ilinniagassarlu kommunimi sanilerisami neqeroorutigineqarpat qinnuteqartigineqarsinnaavoq. Malugiuk, ilinniakkap sammivianik oqarnermi ilinniakkat sammivii qulingiluut tamatigoortut innersuussutigineqarmata tak. <https://sunngu.gl/kl-GL/Gymnasial-uddannelse/3-aaarige-GUX/Studieretninger>

7.b.: Suliamut atatillugu inuttulluunniit pissutsit inatsimmi § 11, imm. 2-mi aamma 2 naapertornagit ilinniarnertuunngorniarfimmu allamut qinnuteqarneq.

Matumani Ilinniarnertuunngorniarnerneq pillugu Inatsisartut inatsisaanni nr. 13-imi, 22. november 2011-imeersumi § 11 innersuussutigineqarpoq. Pissutsit immikkut ittut pineqartariaqarput.

Qinnuteqaatit ikittuinnaat akuerineqartarput. Suliani taamaallaat

1-2 %-ii immikkut akuerineqartarput. Inooqatigiinnermut tunngasut naliginnaasumik ilanngullugit isiginiarneqarneq ajorput. Pissutissat isiginiagassatut assersuutaasinnaasut:

- Pissutsit ilaqutariinnermut tunngasut soorlu apparisaq kommunimi allami tigutissimappat imaluunniit anaanaq/ataataq kommunimi allami najugaqalersimappat.
- Suliamut atatillugu kommunimi najugarisami neqeroorutigineqanngitsumik ilinniakkap sammi-vianik toqqaaneq.

7.c: Tigutinneq

Matumani ilinniarnertuunngorniartarneq pillugu Inatsisartut inatsisaanni nr. 13-imi, 22. november 2011-meersumi § 8 aamma § 9 innersuussutigineqarpoq.

Qaagukkut inatsisitigut piomasaaqatit imaluunniit immikkut akuerineqarneq krydsilerneqartassava?

Inatsisitigut piomasaaqatit immikkullu akuerineqarneq qinnuteqartunut ukiuni kingullerni marlunni meeqqat atuarfiannik naammassinnissimasunut attuumassuteqarsinnaavoq (ukiuni pingasuni ilinniartuusimasut pineqartunut ilaapput).

Inatsisitigut piomasaaqat atuuppoq qinnuteqartoq minnerpaamik karakteri E-mik ukunani angusisimappat

- Pinngitsoorani nalinginnaasumik inaarutaasumik soraarummeerutissat tamaasa
- 10. klassimi inissisimaffittut angusiffissat tamaasa.
- Suliniummik allaaserisaqarneq.

Rektori qinnuteqartunut ukununga immikkut akuersissuteqarsinnaavoq:

- Nalinginnaasumik soraarummeerutinik marlunnik angusisimangitsunut
- Nalinginnaasumik kalaallisut, danskisut, tuluttut matematikkimilu pitsaasumik soraarummeermi angusisunut. Immikkut akuerineqarnissamut qinnuteqarnermi nammeneq kajumissuseq ilanngunneqarsinnaavoq.

Tigutinnissamut misilitsinnermi qaagukkut tigutinneq krydsilerneqartassava?

Tigutinnissamut misilitsinneq toqqaarneqartarpoq:

- Qinnuteqartut tamarmik piffissami qinnuteqarnermi meeqqat atuarfiani soraarummeerneq ukiut marluk sinnersimappatigit.
- Qinnuteqartut ukiut kingullit marluk iluanni meeqqat atuarfiat naammassinnissimasunut inatsisitigulli piomasaaqammik naammassinninngitsunut faginilu pineqartuni piginnaanngorsanngitsunut.

8. Ingerlaqqissutissamik soraarummeerneq

Ilinniartuffissanit assigiinngitsunit tigutinnissamut piomasaaqatit ilinniartuffiit nittartagaanni takuneqarsinnaapput. Taakkua www.sunngu.gl-imut iserlutit nassaarisinnaavatit.

Ukioq suna soraarummeersimanerlutit ilinniakkamilluunniit suli ingerlatsinerlutit allassavat.

Atuarfimmiit ilinniagaqarnermilluunniit pappiaqqat assilineri ilanngullugit nassitutissavatit. Aasamat meeqqat atuarfianniit, ilinniarnertuunngorniarfimmiit, Majoriami ingerlatsininnit immaqaluunniit efterskolemit naatsorsuutigukku naammassissallutit, taava karakterit allattorsimaffiata kingulliup assilineri ilanngullugu nassitutissavat.

9. Ingerlatat matumani ilinniarnertit taamaatinneqarsimasut ilanngullugit

Suliffeqarfiup qinnuteqaatinnik suliaqartup takorusuppaa suut ingerlannikuuneritit imaluunniit suut ingerlanneritit, assersuutigalugu:

- Sulineq
- Nunami allamiinneq
- Efterskolerneq
- Højskolerneq
- Imaluunniit ilinniarnermik pikkorissarnermilluunniit taamaatitsinerit

Suliarisimasat ajornanngippat uppersarsarneqassapput.

10. Misilitsinnerit/soraarummeernerit allat

Uani allassavatit, misilitsinnerit allat angusiffigisimagukkit imaluunniit atuarnertit saniatigut allattorsoraarummeersimaneritit. Ukioq suna taamaatissimanerlutit imaluunniit ingerlatsinerit pillugu allassavat.

Pikkorissarsimanermit uppersarsaat imaluunniit uppersarsaatit allat ilanngullugit nassiuqqassapput.

11. Immikkut akuerineqarneq

Ilinniagaqalernissamat pisortatigoortumik piunasaqaataasunut piginnaanittit naammangippata, taava nammineq inuttut qinnuteqaasiussaattit. Ilinniagassatut qinnuteqarfinnut siullermut aappaanullu tigutinnissamat piunasaqaatit naammassisimangikkukkit qinnuteqarfigisatit allakkatigut nammineq qinnuteqarfigissavatit.

Ilinniartut aallartinnissamat soq piukkunnaateqarnerlutit nassuiassavat. Ilinniartut sianerlutit paasiniarsinnaavat suut pingaartinneqarnerlutit. Najukkanni Majoriami siunnersorti attavigisinnaavat qinnuteqaatit allannissaanut ikioqqullutit. Eqqaamallugu qinnuteqaatit nammineq atsiussagakku.

12. Ilinniartut ineqarfiani ini

Ilinniartut ineqarfianni inissarsiorneq pillugu allasaatit ilinniartut ineqarfianni inissarsioruit, ilinniartut ineqarfiinut qinnuteqarnermit immersuiffissaq immikkut ittoq atorlugu qinnuteqassaattit. Ilinniartut Nuummippat, taava KAF-ip immersugassaataa immersorneqassaaq. Immersugassaq uani nassaarisinnaavat www.kaf.gl. Ilinniartut ineqarfiinut nammineq kollegiaateqarpat atuarfiup nit-

tartagaani immersugassaq immersorneqassaaq.

13. Aningaaserivik

Ilinniagaqarnersiutit kalaallit danskilluunniit aningaaseriviinut taamaallaat ikineqarsinnaapput.

14. Naalagaaffik innuttaaffigisaq

Ilinniagaqarnersiutininik pisartagaqarniaruit danskitut innuttaassaait. Kalaallit ingerlaannartumik danskisut innuttaasuupput.

Danskisut innuttaaffeqanngikkuit maleruagassamik tassanngaanniit immikkut akuerineqarnissamut qinnuteqarsinnaavutit. Aalajangersakkat sukumiinerusumik uani takukkit

Ilinniagaqarnersiutit pillugit Inatsisartut inatsisaat nr. 12, 22. november 2011-imeersoq

15. Danskil Ilinniagaqarnersiutaat (SU)

18-t sinnerlugit ukioqaruit aatsaat immikkoortoq immersussavat.

Danmark-imi SU-mik pisartagaqarsimaguit imaluunniit pisartagaqaruit tamanna Kalaallit Nunaanni ilinniagaqarnersiutininik pisartagaqarsinnaanernut pingaaruteqarsinnaavoq. Ingerlaqqiffiusunik ilinniagaqarnerni pingaaruteqarpoq qionernik qassinik pissarsisnaatitaanersutit. Danskil ilinniagaqarnersiutaannik (SU-mik) pisarsimaguit pisaruilluunniit uppersaammik ilanngussigit.

16. Pisortanit ikiorsiissutit

Pensionisianik imaluunniit allanik pisortanit ikiorsiissutisisaruit tamanna ilinniagaqarnersiutininik pisartagaqarsinnaanernut pingaaruteqarsinnaavoq. Pisortanit ikiorsiissutisisimaguit ikiorsiissutisisaruilluunniit uppersaammik ilanngussissaait. Tamanna meeqqat angerlarsimaffiini paaqqinnit-tarfimmi imaluunniit angajoqqaarsiani najugaqartunut tamakkiisumik isumagineqartunut atuuppoq. Meeqqat pisartagaat atuartunullu tapiissutit "pisortanit ikiorsiissutaanngillat".

17. Meeqqanut tapit

Meeqqamut/meeqqanut meeqqanut tapinik qinnussunneqartunut pilersuisuugaanni ilinniartitaanerup nalaani meeqqanut tapinik pissarsisoqarsinnaavoq. Nalunaarsuutip allattorsimaffiat cpr.dk-meersoq ilanngutigut takussutissatut illit meeragigit.

18. Ilinniartitaanerup aallartinnerani angalaneq

Immikkoortoq taanna taamaallaat immersorneqassaaq illoqarfimmi ilinniarfiusumi najugaqanngikkuit.

Uppernarsaatit pisariaqartutut ilanngutissavatit:

- Najugaqarnermut uppersarsaat
- Katisimanermut uppersarsaat.

Malugiuk: Kalaallit Nunaanni ilinniagaqarniarlutit meeqqisaarniaruit angalanissamut ilaassutissamik tunniussisoqannginnerani inissaqarnermut meeqqallu paarsisoqarnissaanut uppersarsaatinik takutitsissagavit.

19. Nassiussat angallanneqarnerat

Ilinniagaqarnissap aallartinnissaannut meeqqat akiliunneqarsimappata nassiussat angallanneqarnissaat akilerneqarsinnaavoq.

Katisimallugu aapparisaq / inooqatigisaq ilittulli ilinniagaqariartorpat nassiussat angallanneqarnerat akilerneqarsinnaavoq, sivikinnerpaamik arlassi ilinniarnissaat qaammatinik 20-inik amerlanerusunik sivisussuseqarpat.

Nassiussanik angallassineq containerinik 5,5 m3 tikillugu imartussusilinnik imaluunniit nassiussatut

5,5 m3-itut imartussusilinnik tamarmik immikkut 100.000,- kr.-inik aningaasartalinnik sillimmaserneqarsimasunik angallassineruvoq. Pingasunik amerlanerusunilluunniit qitornaqaruit containerit marluk imaluunniit nassiussat 11,00 m3–nik annertussusillit akilerneqarsinnaapput.

20. Atsiorneq

Atsiornikkut uppersarsarpat paasissutissat allattukkatit eqqortuusut. Kukkusunik uppersarsaasiinikkut ilinniagaqarnersiutinik pissarsisimaguit, ilinniagaqarnersiutitit utertinneqartussaapput, pinnerluttulerinermilu inatsit naapertorlugu pineqaatissinneqarsinnaallutit.

18-init inorlugit ukioqaruit angajoqqaatit/ilinnut akisussaasoq sinnerlutit atsiussapput.

Ilanngussat allattorneri

Ilanngussanut suut ilanngussimanerlugit krydsiliissaatit.

Misissugassat

Eqqaamavigit?

- Atermut uppersarsaat
- Najugaqarnermut uppersarsaat
- Soraarummeernermit pappiarat imaluunniit karakterit allattorsimaffiat

Sulinermut, nunani allaniissimanermut imaluunniit højskolersimanermut uppersarsaat

Meeraqaruit ilanngullugit eqqaamassavatit

Meeqqanut tamanut kuisinnermut imaluunniit inunngornermut allagartat

Ataataanermut nalunaarut

Akilersuiner Mulluunniit isumaqatigiissutaasoq.